



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 888. Usque Ad Annum 1000

Fleury, Claude

August. Vind. [u.a.], 1761

VD18 90117921

§. 53. Imperator S. Nilum invisit.

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

Sæculum X. Thammum illum convertit, cujus astu-
A.C. 998. tia deceptus Crescentius perierat. Nam
 cum ei idonea & vehementi oratione im-
 posturæ & perjurii enormitatem depin-
 xisset, commotus Thammus mundo va-
 ledicere statuit, & ab Imperatore Ordinem
 monasticum amante facultatem fa-
 cili negotio impetravit.

Ipse Imperator illud crimen S. Romualdo confessus, pœnitentiam hujus-
 modi subiit; nudis pedibus de Romana
 Urbe egrediens ad S. Michaellem in Gar-
 gano monte perrexit. Per totam vero
 Quadragesimam sequentem anno 999. in
 Monasterio Classensi mansit, jejunans &
 Psalmodiæ prout valebat intentus, cili-
 cio ad carnem indutus, exterius auro &
 purpura fulgens. Et licet lectus Regio
 cultu stratus adesset, ipse in storea ad
 quietem capiendam membra ponebat.
 Promisit denique S. Romualdo se Impe-
 rium relicturum, & Habitum Monasti-
 cum suscepturum. At propositum non
 implevit.

§. LIII.

Imperator S. Nilum invisit.

vit. S. Nili De monte Gargano rediens Imperator
p. 155. ad S. Nili Monasterium divertit. Cui
 appropinquans & ex colle monachorum
 tugu-

tuguria circa Sacellum extracta prospiciens ait: *Ecce Tabernacula Israelis in Deserto! isti sunt cives Regni Cælorum, qui non incolarum, sed peregrinorum more in hoc mundo versantur.* S. Nilus thus accendi & præferri jubet, seque cum tota Congregatione sua obvium inferens, omnibus humilitatis & reverentiæ signis venientem Principem salutat. Imperator Sancti Senis manumprehendens Sacellum intrat, & persolutis precibus ait: *Priusquam in Cælum migres, Pater venerabilis, futuræ filiorum tuorum necessitati prospice, ne si te amplius non habuerint Ducem, hujus eremi asperitate deterriti in diversa spargantur. Dabo eis, si vis, Monasterium & subsidia, in quocunque Imperii mei loco sedem eis elegeris.* Respondit Vir Sanctus: *Si vere monachi fuerint, ille qui eorum meique hucusque paternam curam gessit, me absente multo minus sperantes in se deseret.* Postquam sermonem aliquamdiu protraxissent, & Imperator abiturus surrexisset, iterum in S. Nilum respiciens dixit: *Pete a me tanquam a filio tuo quodcunque volueris.* Ille dextram pectori Principis admovens ait: *Nibil a te peto, Auguste, nisi ut Salutem tuam cures. Ut ut Imperator sis, sicut ceteri homines, morieris, & omnium actionum tuarum rationem reddes.* Imperator

Sæculum X.
A. C. 998.

Sæculum X. tor lacrymas non tenens coronam suam
A. C. 998. in manus Sancti Senis tradidit, & demum
 tam ipse, quam cuncti eum comitantes,
 benedictione accepta, inceptum iter pro-
 secuti sunt. Quibusdam Monachis de-
 inde murmurantibus, quod S. Senex Prin-
 cipis gratiam rejecisset, & Monasterium
 aliquod non expetiisset, S. Nilus dixit:
*Stulte locutus sum fateor; sed breve tem-
 pus docebit, an vos modo sapiatis.* Post-
 ea comperto Ottonis Imperatoris præ-
 coci fato Sancti Viri prudentiam admi-
 rati sunt.

§. LIV.

*Franco & Buchardus Episcopi Wor-
 matiensis.*

*vit. Burch.
 Wormat.
 Ditm. l. 4.
 p. 47.*

In hac secunda profectioe Romana Ot-
 to Imperator itineris comitem habe-
 bat Franconem, cui brevi abhinc tem-
 pore, defuncto Hildebaldo, Cathedram
 Wormatiensem contulerat, juveni qui-
 dem, sed eximie virtutis Clerico. Sin-
 gularem in eo Imperator posuerat fidu-
 ciam, nec quidquam gravioris momen-
 ti, non requisita Franconis sententia, sta-
 tuere solebat. Cum Romæ commorare-
 tur, aliquando cum hoc Episcopo in quo-
 dam antro Ecclesiæ S. Clementis secre-
 to se abdidit, ubi ambo nudipedes & ci-
 licis